

ერთის მხრივ შპს „საქართველოს გაერთიანებული წყალმომარაგების კომპანია“ (შემდგომში „შემსყიდველი“) წარმოდგენილი მისი დირექტორის გიორგი კობერიძის სახით და მეორეს მხრივ ი/მ ვასილ ზუჩაძის სახით (შემდგომში „მიმწოდებელი“), საქართველოს მთავრობის 2016 წლის 26 თებერვლის N103 დადგენილებით დამტკიცებული შპს „საქართველოს გაერთიანებული წყალმომარაგების კომპანიის“ სახსრებით საქონლისა და მომსახურების შესყიდვების სპეციალური წესისა და მიმწოდებლის წინადადების საფუძველზე GEO170000239 შესყიდვის ელექტრონული პროცედურის ჩატარების შედეგად შ.პ.ს „საქართველოს გაერთიანებული წყალმომარაგების კომპანიის“ 2017 წლის საკუთარი სახსრებით დაფინანსების ფარგლებში ვდებთ შესყიდვის შესახებ ხელშეკრულებას შემდეგზე:

### 1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია რომელიც ახორციელებს შესყიდვას.
- 1.5. „მიმწოდებელი“ – პირი რომელიც ახორციელებს საქონლის მიწოდებას ხელშეკრულების ფარგლებში.
- 1.6. „საქონელი“ ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ - GEO170000239 შესყიდვის ელექტრონული პროცედურის დოკუმენტაციის ტექნიკური დავალება, რომელიც წარმოადგენს ხელშეკრულების განუყოფელ ნაწილს.
- 1.8 წინადადება- GEO170000239 შესყიდვის ელექტრონული პროცედურაში მიმწოდებლის მიერ წარდგენილი წინადადება.

### 2. ხელშეკრულების საგანი

ხელშეკრულების საგანს წარმოადგენს შ.პ.ს „საქართველოს გაერთიანებული წყალმომარაგების კომპანიის“ კახეთის რეგიონული ფილიალში შემავალი თელავის სერვის ცენტრის საჭიროებისათვის ინერტული მასალების (შემდგომში საქონელი) (ს-9; 14200000 - ქვიშა და თიხა; CPV-14212310 ბალასტი, -14210000 ხრეში, ქვიშა, ღორღი და ქვის (ინერტული) მასალა) შესყიდვა დანართი N1-ის შესაბამისად.

### 3. ხელშეკრულების ღირებულება

- 3.1 ხელშეკრულების ჯამური ღირებულება შეადგენს 3900 ლარს დღგ-ს გათვალისწინებით. ერთეულის ფასები მოცემულია დანართ N1-ში;
- 3.2. ხელშეკრულების ჯამური ღირებულება მოიცავს საქონლის მიწოდებასთან დაკავშირებულ ყველა ხარჯს და კანონმდებლობით გათვალისწინებულ ყველა სახის გადასახადს და მოსაკრებელს, ხარჯები რომლებიც წინადადების ფასში არ არის გათვალისწინებული არ ექვემდებარება ანაზღაურებას.

### 4. ანგარიშსწორების ფორმა და ვადები

- 4.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში, ანგარიშსწორებისათვის შემსყიდველსა და მიმწოდებელს შორის უნდა გაფორმდეს მიღება-ჩაბარების აქტი.
- 4.2 ანგარიშსწორება განხორციელდება ეტაპობრივად, ფაქტიურად მოწოდებული საქონლის შემდეგ, მიღება-ჩაბარების აქტის, სასაქონლო ზედნადებისა და საგადასახადო ანგარიშ-ფაქტურის წარდგენიდან 10 (ათი) სამუშაო დღის ვადაში.
- 4.3 წინასწარი გადახდის მექანიზმი არ გამოიყენება.
- 4.4 ანგარიშსწორებისათვის საჭირო დოკუმენტაცია მიმწოდებელმა შემსყიდველს უნდა წარუდგინოს შემსყიდველის სათაო ოფისის მისამართზე, ქ. თბილისი ვაჟა-ფშაველას გამზირი 76 ბ ან ქ. თელავი, აჩინებულის ქ. N2.

## **5. მიღება-ჩაბარების წესი**

5.1. საქონელი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.

5.2. მიღება-ჩაბარების აქტს შემსყიდველის მხრიდან ხელს მოაწერს შპს „საქართველოს გაერთიანებული წყალმომარაგების კომპანიის“ კახეთის რეგიონული ფილიალის ან თელავის სერვის ცენტრის უფლებამოსილი წარმომადგენელი/წარმომადგენლები.

## **6. საქონლის მიწოდების ადგილი და ვადა**

6.1 საქონლის მიწოდება უნდა განხორციელდეს ხელშეკრულების გაფორმების დღიდან 2017 წლის 15 დეკემბრამდე ეტაპობრივად შემსყიდველის საჭიროების და მოთხოვნის შესაბამისად მიმწოდებლის ხარჯით, შეტყობინებიდან არაუმეტეს ორი სამუშაო დღის განმავლობაში (შეტყობინებად ჩაითვლება ელექტრონული ფოსტა ან ოფიციალური წერილი).

6.2 საქონლის მიწოდება უნდა განხორციელდეს ქ. თელავის სამოქმედო ტერიტორიაზე (კონკრეტული მიწოდების ადგილი განისაზღვრება მოთხოვნის დროს).

## **7. მხარეთა უფლება-მოვალეობები**

7.1. შემსყიდველი უფლებამოსილია:

ა) საქონლის მიწოდების დროს განახორციელოს საქონლის ხარისხისა და სხვა პირობების ტექნიკურ დავალებასთან და წინამდებარე ხელშეკრულების პირობებთან შესაბამისობის ინსპექტირება;

ბ) მოთხოვოს მიმწოდებელს წინამდებარე ხელშეკრულების პირობების შესრულება

7.2. შემსყიდველი ვალდებულია უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.

7.3. მიმწოდებელი უფლებამოსილია მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.

7.4. მიმწოდებელი ვალდებულია:

ა) უზრუნველყოს ხელშეკრულებით გათვალისწინებული საქონლის მიწოდება.

ბ) დაიცვას წინამდებარე ხელშეკრულების პირობები.

გ) აუნაზღაუროს შემსყიდველს მისი ბრალეულობით გამოწვეული ნებისმიერი სახის მატერიალური და არამატერიალური ზარალი.

## **8. ხელშეკრულების შესრულების კონტროლი**

8.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს ხელშეკრულების კონტროლი (ინსპექტირება), რომლის მიზანია მიწოდებული საქონლის ხარისხის, ვადების და სხვა კრიტერიუმების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2. ხელშეკრულების 8.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს კახეთის რეგიონული ფილიალის ან თელავის სერვის ცენტრის უფლებამოსილი წარმომადგენელი/წარმომადგენლები.

## **9. პირგასამტეხლო ხელშეკრულების პირობების შეუსრულებლობისათვის**

9.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

9.2 ხელშეკრულებით ნაკისრი ვალდებულებების შეუსრულებლობის შემთხვევაში მიმწოდებელი ჯარიმდება ხელშეკრულების ჯამური ღირებულების 3% ოდენობით.

9.3. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება

9.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9.5 ამ მუხლით გათვალისწინებული საჯარიმო დ პირგასამტეხლოს თანხები დაუკავდება მიმწოდებელს მიწოდებული საქონლის ღირებულებიდან, იმ შემთხვევაში თუ საქონელი არაა მიწოდებული მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესაბამისი თანხა შემსყიდველის სასარგებლოდ, ხოლო იმ შემთხვევაში თუ მიწოდებული საქონლის ღირებულება ნაკლებია საჯარიმო თანხაზე მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შემსყიდველის სასარგებლოდ

საჯარმო თანხებსა და მიწოდებული საქონლის ღირებულებას შორის არსებული სხვაობა შემსყიდველის სასარგებლოდ.

#### **10. ხელშეკრულებაში ცვლილებების შეტანა და ხელშეკრულების შეწყვეტა**

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის.

10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.4 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

#### **11. დავები და მათი გადაწყვეტის წესი**

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

#### **12. ფორს-მაჟორი**

12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის ან/და მიწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ, წინააღმდეგ შემთხვევაში გარემოება არ ჩაითვლება ფორს მაჟორულად.

#### **13. ხელშეკრულების პირობების და ღირებულების გადასინჯვა**

13.1. სახელმწიფო შესყიდვის შესახებ დადებული ხელშეკრულების პირობების შეცვლა არ დაიშვება, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.2. ხელშეკრულების პირობების ნებისმიერი ცვლილება უნდა გაფორმდეს "შეთანხმების" სახით, რომელიც ჩაითვლება ხელშეკრულების განუყოფელ ნაწილად.

#### **14. ხელშეკრულების ენა**

14.1. ხელშეკრულება და მასთან დაკავშირებული ყველა შეთანხმება და სხვა დოკუმენტაცია, რომლებიც შედგება მხარეთა შორის, ფორმდება ქართულ ენაზე.

#### **15. სხვა პირობები**

15.1. ხელშეკრულება შედგენილია 2 ეგზემპლარად და თითოეულ მათგანს თანაბარი იურიდიული ძალა აქვს.

15.2. ხელშეკრულების ერთი ეგზემპლარი ინახება „მიმწოდებელთან“, ერთ ეგზემპლარი „შემსყიდველთან“

16. შესყიდვის ობიექტის სტანდარტები

ხელშეკრულების ფარგლებში მიწოდებული საქონელი უნდა შეესაბამებოდეს წინადადებითა და დოკუმენტაციით დადგენილ მოთხოვნებს.

17. ხელშეკრულების მოქმედების ვადა

ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2018 წლის 30 იანვრამდე.

მხარეთა რეკვიზიტები:

„შემსყიდველი“

შპს „საქართველოს გაერთიანებული  
წყალმომარაგების კომპანია“  
მის: ქ. თბილისი, ვაჟა ფშაველას ქ. N76ბ  
ტელეფონი: 995 32 2919060  
სს „ლიბერთი ბანკი“  
ცენტრალური ფილიალი  
კოდი: 220101480, LBRTGE22  
ა/ა N GE77LB0113123325230012  
ს/კ 412670097

„მიმწოდებელი“

ი/მ „ვასილ ბუაჩიძე“  
მის: ქ. ახმეტა, ქვემო ალვანი  
ტელ: +995 595 914 559  
ელ/ფ: vaso.buchaidze@mail.ru  
ს/კ: 08001005270  
საბანკო რეკვიზიტები: „პროკრედიტ ბანკი“  
კოდი: MIBGGE22  
ა/ა GE09PC 0273 6001 0000 6162

დირექტორი

გიორგი კობერიძე



ვასილ ბუაჩიძე

| N                                                   | დასახელება      | განზომილება | რაოდენობა | ერთ. ფასი | ჯამი დღგ-ს ჩათვლით |
|-----------------------------------------------------|-----------------|-------------|-----------|-----------|--------------------|
| 1                                                   | ბალასტი (ხრეში) | მ³          | 200       | 12        | 2400               |
| 2                                                   | ქვიშა (ლამი)    | მ³          | 100       | 15        | 1500               |
| სულ ფასი ყველა ხარჯისა და გადასახის გათვალისწინებით |                 |             |           |           | 3900 ლარი          |

შპს „საქართველოს გაერთიანებული  
წყალმომარაგების კომპანია“

ი/მ „ვასილ ბუაჩიძე“

დირექტორი

გიორგი კობერიძე

ვასილ ბუაჩიძე



*[Handwritten signature]*